



99er WÄBSTÜBLER



DÄRWILER
FASNACHT 2018



Dr roschtig Chreisel, wo näbem alte Asylheim stoht
Erstrahl sit neuschtem ganz hell in grüen, blau und rot
Die Glüehbiire chasch jetzt in allne Farbe gseh
Nur Schwarzi sehsch dört, keini me
Rot, blau, grien isch au die neui Dorfdeko



Nachem Barbsuech bi dr Manu
bini ufem Heiweg

Ei, zwei bierli drunke – chli zviel bi fascht versunk
i bi uff allne viere
heim's zue am spaziere
will bim Kreisel dure hei
das Liecht bringt mi uf Bei

Oh la la
Was für eine Disco
Oh la la
Disco wundaba! (2x)

dä luschtig Kreisel do
Isch neu ganz farbefroh
gseht wiene Disco uss – d'Lütt chömmen nümme druss
Doch d'Belüchtig dien si lobe
Nur Silveli vom Balkon obe
frogt gopfriedstutz was händer
i gseh nit übers Gländer

Oh la la
Was für eine Disco
Oh la la
Disco wundaba! (2x)

Au d'Leue Asylante
Jede plus Verwandte

bringe s'Sackgeld zrugg uff Gmeini – denn Geld bruche mir keini
Mir fahre nümm in Stadt
Häns do au sau glatt
d'Gemeini chunt nit druus
Mir händ Disco vorem Huus

Oh la la
Was für eine Disco
Oh la la
Disco wundaba! (2x)



Dr Stammtisch vom Grossmat het sich usserordentlich troffe
Und zämme uff dr Tod vo ihrem Vorbild Hugh Hefner gsoffe
Und dähei händ si alli BH's versteckt – wiene Chind
Das jo alli Brüscht uff Halbmascht sind



Dr Emmanuel Macron duet jetzt äne andr Gränze regiere
Das duet dr Buebedorf Simon bsunders motiviere

Gmeints presi würde, dass will är jetzt au

Denn är het au, e riffi Frau

Dr Heggendorf und dr Beat Hess

Hän für ihri Firmene nit würkli viel stress

Je ä Büro hinde am Mühlibach kauft

doch s'Mühlirad ischs einzige wo lauft

Dr Weggli am Landfescht mit Schüffeli und Bäse

Duet vo de Läbigpriise dr Schissdrägg ufläse

Weggli du arme cheib – gohts denn no schlimmer?

„Echli stingge muesses“ – seit d'Sybille immer

Dr Boris Becker het friener Millione gha

Uffeme Schuldebärg hoggt hät dä armi Maa

Dr Boris dängt sich, „wenig schaffe viel verdiene, das wär toll“

Ehhm tschuldigung, aber dr Gmeinroot z Därwil isch scho voll

Neu muess jede Gmeinroot dr Banntag bsueche

Denn chame die 40% mehr Lohn unter „laufendi Usgoobe“ verbueche

Dr Möschli in dr Pension het e neus Hobby gsuecht

Und z'Därwil in dr Theatergruppe e paar Schauspiilstunde buecht

Zur erschte Stund ischr erschiine fascht Füidleblutt

Är het gmeint är wird begrapscht wie in Hollywood

Dr Beck-Walti het bsunders freud am Landfescht gha

Will är vom Kassesturz e Gratischlopfer het dörfe ha

Doch wonen dr Metzger in Reedli schniedet findet är das gar nid kuul

Är nämmti d'Wurscht lieber ganz ins Muul

Die vo Moutier hätte bsunders gärn
E Wechsel ins Jura wäg vom Kanton Bärn
Was e Ort wechslet eifach so dr Kanton?
Schwinge d'Fahne nach links, schwinge d'Fahne nach rechts
Mir händ gueti Luune und schreie Huraaa
Denn Ettige ghört au scho bald zum Jura
Lalalalala, Lalalalalalala
Mir händ gueti Luune und schreie Huraaa
Denn Ettige ghört au scho bald zum Jura

